

Diteng

Kanegelo ya 1:

Ke nna mang?.....2



Kanegelo ya 2:

Thušo ya tšhoganetšo ya pele.....9



EXTRACT PAGES

Ke nna mang?

Dipotšišo tša pele ga go bala

1. Seswantšho se se lego mo se go botša eng?
2. Moaparo wo o o bonago ke wa setšo sefe?
3. O aparwa neng?



Leina la ka ke Mmangwako, ngwana wa Pheladi le Ngwato.

Ke nna mosetsana wa Mopedi wa ga Ngwasheng.

Ke mosetsana wa go rata setšo sa gešo sa Sepedi sa Mohlaletsi.

Kgoši ya gešo ke Hlabirwa, morwa wa Thulare le Mahlako.



Ke nna, ke *letšatši* le ngwana wa *letšatši* le tee.
Ke belegwe ka di 20 Ngwatobošego ka ngwaga
wa 2018.

Gothwe ge ke belegwa,
pula ya medupi e be e
ena e sa kgaotše.

Go be go se na le yo a
kgabolago ka ntle ka
lebaka la pula.



Ngwana yo a lego
pukung ke mang?



Ke reetšwe leina la Mmangwako ka lebaka la pula.

Mma o re go be go ena pula ya medupi.

Pula ya medupi e ba dirile gore ba dule ka ngwakong.

Go be go tonya kudu, batho ba duletše mello le diruthetši.



Mo ke letšatši le ke thomilego go abula.
Ba re ke thomile go abula ka dikgwedi
tše tshela.
Go abula ke kgato ye bohlokwa bophelong
bja motho.
Ke kgato ya go tiiša mešifa gore ngwana a
kgone go sepela.



Mo ke ge ke fetša ngwaga wa ka
wa mathomo.

E be e le ka di 20 Ngwatobošego ka 2019.
Batswadi ba ka ba ntiretše moletlo
wa matswalo.

Baagišani ba go lekana le
nna ba be ba memilwe.
Ba be ba tlile le batswadi
ba bona moletlong woo.



Ekaba wena o na le
puku ya diswantšho?



Mo ke ge re be re tsenetše phadišano
ya mmino.

Re be re tsenetše phadišano ya mmino
wa dikhwaere.

Sekolo sa rena se ile sa thopa sefoka
sa ngwaga.



Mo ke be ke na le batswadi ba ka.
Nna le batswadi ba ka re be re
eya lenyalong.
Re be re eya lenyalong la mmame
le Mošeanoka.

Thušo ya tšhoganetšo ya pele

Dipotšišo tša pele ga go bala

1. Efa tlhalošo ya seswantšho sa ka ntle ga puku.
2. Ke eng seo se gogago mahlo a gago mo seswantšhong seo?
3. Leina la kanegelo ye ke eng?



Ba ga Marais le morwa wa bona ba ile phakeng.

Morena Marais o bolela le morwa o mo fa molao.

O fa morwa molao, o re ga a rate dintwa.

O re ngwana o swanetše go phela gabotse le batho ba bangwe.



Morwa wa marais, Andries o kopane le bagwera phakeng.

Andries o kopane le bagwera phakeng, ba a bapala.

Ba kitima gomme Andries a kgopša a wela fase.



Go direga eng seswantšhong?



Andries o kgopilwe, o gobetše mo khurung ya leoto.

Khuru ya leoto la Andries e tšwa madi, o gobetše.

Bagwera ba Andries ba mo emeeditše, o kwa bohloko.

Ba kwa bohloko ge ba bona madi leotong la Andries.



Batswadi ba Andries ba fihlile moo a dutšego le bagwera.

Tatago Andries o swere kheisana ya thušo ya pele.

Tatago Andries o fa mma kheisana ya thušo ya pele.



Nkane mošemanane a etšwa madi?